

Lettres du Roy,

ADDRESSEES AV

PREVOST DE PARIS

ou son Lieutenant, Aduocat &

Procureur, & aultres Officiers en


ladiète Preuosté, Pour faire garder

& obseruer soigneusement & in-

uiolablement l'Edict de Pacifica-

tion, & autres concernant le faict

de la Religion.



A PARIS,

Par Robert Estienne Imprimeur du Roy.

M. D. L X V.

EXTRAICT DV

Privilege.

P A R lettres patentes du Roy, donnees à Paris le x v i i i iour de l'auier, mil cinq cens soixâte trois, signees Par le Roy en son Cōseil, BOVRDIN, & scelees du grand seel dudit Seigneur en cire iaulne sur simple queue: Confirmatiues d'autres lettres patētes donnees à Saint Germain en Laye le v i i i Octobre, M.D.LXI, signees Par le Roy, Vous Monsieur le Chancelier present, DE L'AVBESPINE, & scelees comme dessus: Verifiees en la Cour de Parlement à Paris le x v i i i iour de Feburier audit an: Il est permis à Robert Estienne son Imprimeur ordinaire, d'imprimer ou faire imprimer, vendre & debiter tous Edicts, Ordonnances, Mandemēts, & Lettres patētes: sans qu'autres Libraires & Imprimeurs les puissent imprimer, ne faire imprimer durant le temps & terme cōtenu esdictes Lettres patentes, si ce n'est du vouloir & consentemēt dudit Estienne. Sur peine de confiscation desdicts liures, d'amēde arbitraire, & autres amendes, despens, dommages & interests dudit Estienne.



De par le Roy.



o s amez & feaulx,
Vous sçauiez assez
avec quelle affectiõ
nous desirons que
le repos & la pacifi-
cation que nous a-
uons reestablie en nostre Royaume,
soit perpetuee & conseruee parmi
tous nos subiects : & en a esté nostre
intention & resolution si clairement
tesmoignee par tant de lettres paten-
tes & missiues, que nous auons faict
expedier & publier à ceste fin, qu'il
n'y a celuy de nosdicts subiects, de

A.ii.

quelque estat, qualité & conditiō que
il soit, qui la puisse reuocquer en dou
bte, ou aucune difficulté. Toutes
fois nous sommes aduertis, que au
grand mespris de nostre auctorité &
de nos commandements il se fait
beaucoup de contrauētions à l'Edict
de ladiēte Pacification, & aux autres
Edicts & Declaratiōs qui se font de
puis ensuyuis: Sans que nos officiers,
quelque exprés cōmandement que
ils en ayent de nous, ayēt iusques icy
faict que biē peu de debuoir d'en fai
re la punition & demonstration. Tel
lement que continuanstelles conni
uēces & impunitez, Il seroit à crain
dre que la malice d'aucuns esprits
turbulēs fust pour faire renaistre par
succession de temps de nouveaux
troubles en nostre estat: S'il n'y est
pourueu ainsi que nous le desirons,

& l'importance & consequence de
la chose le requiert necessairement.

Au moyen de quoy, & affin aussi
qu'il ny ait pas vn de nosdicts sub-
iects qui se laisse legierement per-
suader que nous ayons changé au-
cune chose de nostre susdicte inten-
tion, Nous auons bien voulu vous
en escrire encores la presente : Vous
mandant, commandant & trefex-
pressément enioignant, que vous ay-
ez à faire soigneusement & inuiola-
blement garder & obseruer le conte-
nu en nosdicts Edicts de Pacificatiõ
& Maiorité, & és Cõmissions & De-
clarations depuis sur ce expediees.
Et s'il y en a aucuns, de quelque estat,
qualité, condition & Religion qu'ils
soyent, qui s'oubliēt tant que d'y cõ-
treuenir, Vous en faites faire, sans
acceptiõ de personnes, ny Religion,

vne si prompte & exemplaire puni-
tion, que nous nous voyons obeis en
tout nostre Royaume, depuis le plus
grand iusques au plus petit. Vous
aduifant, que s'il se trouue que vous
ayez conniue' ou dissimulé en la pu-
nition desdictes contrauentions, &
des crimes, meurtres, volleries & as-
sassinats qui se cōmettent au dedans
de vostre ressort & Iurisdicció, Nous
nous en prédrons à vos propres per-
sonnes: & vo^s ferōs porter la mesme
peine qu'eussent faict les autres: affin
que vous seruiez de tel exemple à
nos autres Officiers, qu'il n'y ait ce-
luy d'eulx qui ose plus s'oublier en
chose de tel poix: Et qui ne procede
cy apres en la punitiō des choses sus-
dictes avec la diligence & integrité
que requiert de vous l'acquiēt de vos
charges & offices, la sincere admini-

stration de nostre Iustice , & l'obeissance qui nous est due de tous nos subiects. Donne' à S. Iehan de Luz, le sixieme iour de Iuillet, 1565.

Signé CH A R L E S.

Et au dessoubs, B O V R D I N.

Et au dessus est escript,

A nos amez & feaulx le Preuost de Paris, ou son Lieutenant, Nos Ad-uocat & Procureur, & autres nos Officiers en ladicte Preuosté.

Enregistrees au registre de la police du Chastelet de Paris le dixneuufieme iour de Iuillet, mil cinq cens soixante cinq.

Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The handwriting is fluid and characteristic of the 17th or 18th century.

Handwritten text, possibly a heading or a section marker, written in a cursive script. The text is somewhat faded and difficult to decipher.

Handwritten text, possibly a heading or a section marker, written in a cursive script. The text is somewhat faded and difficult to decipher.

Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The handwriting is fluid and characteristic of the 17th or 18th century.

Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The handwriting is fluid and characteristic of the 17th or 18th century.